



অবিলম্বে প্রকাশের উদ্দেশ্যে: 10/3/2023

গভর্নর ক্যাথি হোকল

গভর্নর হোকল, মেয়র অ্যাডামস আশ্রয়সন্ধানীদের আইনি সেবা এবং কেস ব্যবস্থাপনার জন্য 38 মিলিয়ন মার্কিন ডলার ঘোষণা করলেন

আজকে অস্থায়ী সুরক্ষিত দশা সম্প্রসারণ করার সাথে সাথে সিটিতে আইনি সেবা প্রদানে সাহায্য করার জন্য স্টেট 38 মিলিয়ন মার্কিন ডলার নতুন তহবিলের প্রতিশ্রুতি প্রদান করলো

কেসওয়ার্ক ও আইনি সেবার জন্য স্টেটের বিদ্যমান 50 মিলিয়ন মার্কিন ডলার প্রতিশ্রুতির অনুবর্তী, সিটির সঙ্কট সাড়াদান সমর্থন করার জন্য বরাদ্দ 1.7 বিলিয়ন মার্কিন ডলার স্টেট অর্থায়নের অংশ

গভর্নর ক্যাথি হোকল এবং মেয়র এরিক অ্যাডামস আজকে ঘোষণা করলেন যে আশ্রয়সন্ধানীদের আইনি সেবা প্রদান করতে সিটির প্রয়াস বলীয়ান করার জন্য 38 মিলিয়ন মার্কিন ডলার নতুন স্টেট তহবিল প্রদান করা হবে। 31 জুলাই, 2023 তারিখের পূর্বে ভেনিজুয়েলা থেকে দেশে প্রবেশ করা ব্যক্তিদের অস্থায়ী সুরক্ষিত দশা (Temporary Protected Status, TPS) প্রদান সম্প্রসারিত করার জন্য ফেডারেল নিয়ম কার্যকর হওয়ার প্রথম দিনে এই ঘোষণাটি এসেছে।

"আমরা যে নজিরবিহীন মানবিক সঙ্কটের মধ্যে দিয়ে যাচ্ছি তা সমাধান করতে এক বছরের বেশি সময় ধরে, স্টেট এবং সিটি একসাথে কাজ করেছে," **গভর্নর হোকল বলেন।** "নিউ ইয়র্কবাসীদের বহু মাসের সমন্বিত অ্যাডভোকেসির পর, ফেডারেল সরকার ভেনিজুয়েলা থেকে আগত কয়েক হাজার অভিবাসীকে অস্থায়ী সুরক্ষিত দশার জন্য নতুনভাবে যোগ্য করেছে। আমাদের কাজ হলো এই ব্যক্তিরা যাতে কাজের অনুমোদন লাভ, চাকরি অনুসন্ধান, এবং করদাতা অর্থায়িত আশ্রয়কেন্দ্র থেকে বের হতে পারে তার জন্য যথাযথ কাগজপত্রের ব্যবস্থা করা নিশ্চিত করা।"

নিউ ইয়র্ক সিটির মেয়র এরিক অ্যাডামস বলেন, "এই সঙ্কটের পুরো সময়জুড়ে নিউ ইয়র্ক সিটি আগত আশ্রয়সন্ধানীদের সমর্থনের আহ্বানে সাড়া দিতে দেশকে নেতৃত্ব দিয়েছে, এবং আজকে নিউ ইয়র্ক স্টেটের সাথে অংশীদারিত্বে সেই কাজ অব্যাহত থাকছে। 'তাদের কাজ করতে দিন' এর আহ্বানের নেতৃত্ব দিতে পেরে আমরা গর্বিত এবং ফেডারেল সরকার যে আমাদের কথা শুনেছে এবং সিটির সেবার অধীনে থাকা বহু মানুষের জন্য কাজের পথ

সম্প্রসারিত করে দিয়েছে তার জন্য কৃতজ্ঞ। আজকে থেকে অস্থায়ী সুরক্ষিত দশার সম্প্রসারণ কার্যকর হওয়ার পর, আমাদের দল ইতিমধ্যে তাদেরকে কাজের অনুমোদনের জন্য আবেদন করতে সাহায্য করতে কঠোর পরিশ্রম শুরু করে দিয়েছে, এবং স্টেটের এই বিনিয়োগ কয়েক হাজার অভিবাসীকে কাজ পেতে এবং ফলশ্রুতিতে আশ্রয়কেন্দ্র ছেড়ে যেতে সাহায্য করার এইসব প্রয়াস বলীয়ান করবে।"

স্বদেশ নিরাপত্তা ও জরুরি সেবা বিভাগের (Division of Homeland Security and Emergency Services) কমিশনার জ্যাকি ব্রে বলেন, "সামাল দেওয়ার জন্য এটি কঠিন একটি সঙ্কট কিন্তু সঙ্কট থেকে বের হয়ে আসার পথ হলো কাজ এবং অভিবাসীদের স্বাধীনভাবে জীবনযাপন করতে সাহায্য করা। মানুষকে আশ্রয়কেন্দ্র ত্যাগ করতে সাহায্য করার জন্য তহবিল ও কর্মসূচির ব্যাপারে গভর্নর হোকল সংকল্পবদ্ধ। আইনি সেবা, কেস ব্যবস্থাপনা, এবং বৈধ চাকরির সাথে সংযোগের জন্য পূর্বের স্টেট অর্থায়নকে এই তহবিল আরো বর্ধিত করলো।"

স্বাস্থ্য ও মানবসেবার (Health and Human Services) ডেপুটি মেয়র অ্যান উইলিয়ামস-আইসোম বলেন, "মাত্র কয়েক মাসের মধ্যে আমাদের আশ্রয়সন্ধানী আবেদন সাহায্য কেন্দ্র (Asylum Seeker Application Help Center) কয়েক হাজার ব্যক্তি ও পরিবারকে তাদের ফেডারেল আশ্রয় আবেদন সম্পূর্ণ করতে সহায়তা করেছে এবং কাজের অনুমোদন লাভ ও আমেরিকান স্বপ্নে অংশগ্রহণ করার আরেক ধাপ কাছে যেতে তাদের সাহায্য করেছে। বর্তমানে, স্টেটের এই বিনিয়োগের সাহায্যে, আমরা এই মডেলটি অগ্রসর করতে পারবো, আরো আশ্রয়সন্ধানীদের সেবাদান করার জন্য পুরো সিটিতে স্যাটেলাইট সাইট গঠন করতে পারবো, এবং সম্প্রতি ফেডারেল সরকার থেকে TPS প্রাপ্ত ভেনিজুয়েলানদের সাহায্য করতে পারবো। এই বিনিয়োগের জন্য এবং জাতীয় এই সঙ্কটে আরো সমর্থনের জন্য আমাদের আহ্বানে সাড়াদানের জন্য গভর্নর হোকল এবং তার দলকে ধন্যবাদ।"

আজকে কার্যকর হতে যাওয়া ফেডারেল নিয়মের সাথে সামঞ্জস্য রেখে, সিটি যোগ্য ভেনিজুয়েলান আশ্রয়সন্ধানীদেরকে TPS এবং কাজের অনুমোদনের জন্য তাদের কাগজের আবেদনপত্র জমা করতে সহায়তা করা শুরু করবে, সেই সাথে সিটির আশ্রয় আবেদন সাহায্য কেন্দ্রে তাদের ফি মওকুফ ফর্ম পূরণে সাহায্য করবে, যায় স্টেটের সংস্থান দ্বারা অর্থায়িত হবে। আগামী সপ্তাহগুলিতে, সিটি এবং স্টেট এইসব প্রয়াসকে আরো বিস্তৃত করবে, সিটির সেবার অধীনে থাকা আরো আশ্রয়সন্ধানীকে কাজের অনুমোদন পেতে, নিজেদের জীবন স্থিতিশীল করতে, এবং আশ্রয়কেন্দ্র থেকে বের হওয়ার জন্য নিজেদের চাহিদা নিজের পূরণ করতে সাহায্য করার জন্য কেস ব্যবস্থাপনা ও আইনি সেবা সম্প্রসারিত করবে।

এছাড়াও যেভাবে আইনি এবং কেসওয়ার্ক সেবা পাওয়ার সুযোগ সম্প্রসারিত করার জন্য সিটি ও স্টেট অংশীদারিত্ব করার পরিকল্পনা করছে:

- পুরো সিটিতে অতিরিক্ত আশ্রয় আবেদন সাহায্য কেন্দ্র স্যাটেলাইট সাইট খোলা;
- আশ্রয়সন্ধানীরা যেখানে আছে সেখান থেকেই তাদের TPS এবং কাজের অনুমোদনের জন্য আবেদন করতে সাহায্য করার জন্য সিটির জরুরি আশ্রয়কেন্দ্র সাইটসমূহের মধ্যে রোভিং দল শুরু করা; এবং

- আশ্রয়কেন্দ্র ব্যবস্থায় প্রবেশ করা এবং TPS এর জন্য যোগ্য ব্যক্তিদের অ্যাপয়েন্টমেন্টের সময় নির্ধারণ করা এবং সিটির সেবার অধীনে প্রবেশ করা মাত্র আবেদন করা।

আজকে ঘোষিত 38 মিলিয়ন মার্কিন ডলার হলো আশ্রয়সন্ধানী ও অভিবাসীদের আইনি সেবা ও কেসওয়ার্ক সমর্থন করার জন্য স্টেটের বিদ্যমান 50 মিলিয়ন মার্কিন ডলার প্রতিশ্রুতির অনুবর্তী। যার মধ্যে আছে আশ্রয়সন্ধানী ও অভিবাসীদের সেবাদান করা স্থানীয় অলাভজনক সংগঠনসমূহের জন্য বরাদ্দ 20 মিলিয়ন মার্কিন ডলার; NYC হেলথ + হাসপাতালের (NYC Health + Hospital) মাধ্যমে নিউ ইয়র্ক সিটির [কেসওয়ার্ক বৃদ্ধিতে](#) সাহায্য করতে বরাদ্দ করা 20 মিলিয়ন মার্কিন ডলার; অভিবাসীদের [আইনি সেবার](#) জন্য 10 মিলিয়ন মার্কিন ডলার। অভিবাসী ও আশ্রয় সন্ধানীদের বৈধ কাজের অনুমোদন পেতে প্রয়োজনীয় কাগজপত্র ঠিক করার ব্যাপারে সাহায্য করার জন্য গভর্নর হোকল কেস ব্যবস্থাপনার কর্মী ও সংস্থান বৃদ্ধি করেছেন। এর মধ্যে রয়েছে পূর্ণকালীন কেস ব্যবস্থাপনার জন্য 250 জন ন্যাশনাল গার্ড (National Guard) কর্মীকে [মোতায়েন করা](#), যা হলো এই চলমান পরিস্থিতি মোকাবেলা করার জন্য 2,100 এর বেশি ন্যাশনাল গার্ড মোতায়েন করার একটি অংশ।

গভর্নর হোকল, মেয়র অ্যাডামস এবং রাজনৈতিক, নাগরিক এবং ব্যবসায়িক নেতৃবৃন্দের বৃহৎ একটি কোয়ালিশনের বহু মাসের অ্যাডভোকেসির পর, হোয়াইট হাউজ 31 জুলাই, 2023 তারিখে বা এর পূর্বে ভেনিজুয়েলা থেকে মার্কিন যুক্তরাষ্ট্রে আগত ব্যক্তিদের অস্থায়ী সুরক্ষিত দশা প্রদান করার পরিকল্পনা ঘোষণা করেছে [গভর্নর হোকল গতকাল ঘোষণা করেছেন](#) যে মার্কিন যুক্তরাষ্ট্রে বৈধ কাজ করার অনুমোদন অর্জন করা অভিবাসী ও আশ্রয়সন্ধানীদের নিয়োগ দিতে ইচ্ছুক প্রায় 400 চাকরিদাতার থেকে 18,000 এর বেশি চাকরির সুযোগ স্টেট সনাক্ত করেছে।

গভর্নর হোকল এই সঙ্কটের জন্য একটি বলিষ্ঠ স্টেট সাড়াদানের নেতৃত্ব দিয়েছেন। সামগ্রিকভাবে, আশ্রয়সন্ধানী ও অভিবাসীদের সমর্থন করার জন্য স্টেট 1.7 বিলিয়ন মার্কিন ডলারের প্রতিশ্রুতি প্রদান করেছে, যার মধ্যে রয়েছে আশ্রয়কেন্দ্র, পরিবহন এবং সামাজিক সেবা; সম্প্রতি এই উদ্দেশ্যে স্টেট সিটিকে 250 মিলিয়ন মার্কিন ডলার প্রদান করেছে। এছাড়াও আশ্রয়কেন্দ্র হিসেবে ব্যবহারের জন্য স্টেট একাধিক স্টেট মালিকানাধীন সাইট প্রদান করেছে, যেমন ম্যানহাটনের পূর্বের লিঙ্কন কারেকশনাল ফ্যাসিলিটি (Lincoln Correctional Facility) এবং জন এফ কেনেডি বিমানবন্দরের (John F. Kennedy International Airport, JFK) ভবন 197; এছাড়াও স্টেট ক্রিডমোর সাইকিয়াট্রিক ফ্যাসিলিটিতে (Creedmoor Psychiatric Facility) এবং র্যান্ডাল আইল্যান্ডে একাধিক মানবতা সংক্রান্ত জরুরি সাড়াদান এবং ত্রাণ কেন্দ্রসমূহের (Humanitarian Emergency Response and Relief Centers, HERRCs) ব্যয়ভার বহন করেছে।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্ক্রাইব করুন](#)